

hominum inuidia: tātum dico, nihil iuuari eos
suō responso, hæreticos iam olim extitisse com-
plures qui cibos interdicerēt Christianis. Nam
si semel recipitur hæc defensio; cuius impio ve-
tus exemplum obtendere sufficiet. Quinetiam
eodem modo elabi poterant Manichæi & Ta-
tiani: quia excipere promptum erat, vaticinium
de Montano, qui tempore fuerat superior, in-
telligendum. Sed cum illos nunquam aggressus
sim, vltro prorumpunt, cauentes sibi, ut appa-
ret, ante tempus. Sic impius nemine persequē-
te fugit. Quanquam ne dissimulē quod res est,
simul ac Pauli verba quis protulerit, aperto
marte impeti se vident. An vero iusta succen-
cendi ratio sit, æstiment Lectores. Reliqua ve-
ro petant ex censura 41, primi ordinis: ex 23
& 32, secūdi ordinis. Itē ex censura 77 & 103.

De Iustificatione.

Annotatio, Cordis nostri æquitati vel
rectitudini ne tribuamus quòd Deus det
nobis vitam æternam, Deut. 9.a.5. In cor-
de ne dixerimus propter iustitiā nostram
Deum dedisse nobis vitam æternā. Pro-
missiones suas quibus promiserat terram